

I. N. 7.
DISSESSATIO MEDICA,
DE
MELÖE
VESICATORIO,
QUAM
CONS. NOBIL. ET EXPER. FACULT. MED.
IN ILLUSTRI ATHEN. UPSALIENSI,
PRÆSIDE
VIRO NOBILISSIMO ET EXPERIENTISSIMO,
D:NO DOCT. CAROLO
LINNÆO,
EQVITE AURATO DE STELLA POLARI,
S:Æ R:Æ M:TIS ARCHIATRO,
MEDIC. ET BOTAN. PROFESSORE REG. ET, ORD.
ACADEM. SCIENT. UPSAL. HOLMIENS. PETROPOL.
BEROL. IMP. NAT. CUR. LONDIN. MONSPEL.
TOLOS. ET FLORENT. SOCIO,
PUBLICO EXAMINI MODESTE SUBMITIT,
CANUTUS AUG. LENÆUS,
JEMTLANDUS.
IN AUD. CAR. MAJ. AD DIEM XX. DEC.
ANNI MDCCCLXII.
H. A. M. S.
—
UP SALIAE.

Nobilissime atque Celeberrime Secretarie
Regiæ Scient. Academiæ Holmensis
Nec Non
Eques Aurate De Stella POLARI,

D:NE PETRE WARGENTIN.

Avuncule Honoratissime,

Ne mireris, Honoratissime Avuncule, me in conspectum Tuum jam prodire. Graves certe subsunt causæ. Prodeo, inquam, non quasi bene, hoc tenui meletemate, de Te mereri videar: non quia mos est receptus jam dudum usu qui invauit majorum. Veneratio, qua Te amplector, tanta, quanta esse solet, dum maxima, non adeo arctis continetur limitibus. Verum enim vero, animus effuso exsultat gaudio quod, in præsentí, qualémcumque naectus sit occasionem semet pallam, hoc est, longe deditissimum gratissimumque declarandi. Adsit Tibi Deus faxitque, ut prospere omnia Tua succedant: faxit, non nisi satur annis honoribusque, e vita discedas. Permansurus

Honoratiss. Nominis TUL

cultor & cliens humillimus
CANUTUS AUG. LENÆUS.

Experientissime Medicinæ Doctor & Chirurg. Professor,
Celeberrime Chirurge Primarie Nosodochii Holmens.
Legionisque Vexilli Equestris, Academiæ Reg. Scient.
Holm. & Academiæ Reg. Chirurg. Paris. Coll.
Med. Regii Holmens. Nec Non Societ.
Chirurgiæ Holmens.

SOCIE,

D:NE O L A V E A C R E L,

L imina Tua vix, aut ne vix quidem, salutare au-
derem, nisi animum adderet, quo me semper
excepisti, favor plane singularis. Quoties ille mihi
succurrit, succurrit autem semper, haud exigua me
adfecit sollicitudo, quod parum meritis in me Tuis
respondere potuerim. Utinam venerationem, qua
Te prosequor, longe maximam, verbis sat dignis
publice testificari possem! Immortales Tibi habeo
gratias, & habebo, dum vivam; referre enim ne-
queo. Usque adeo, Experientissime Domine Doctor,
in ære sum Tuo. Summum implorare Numen,
nunquam intermittam, velit omnia Tibi largiri ex-
optata, ut diu felix, Patriæ decus, vivas, floreas.
Futurus, dum vixero,

Celeberrimi Nominis TUI

cultor & cliens humillimus
CANUTUS AUG. LENÆUS.

Regements Fältskåren,
Ådel och Högaktad

HERR AUGUSTIN
LENÆUS

Och
Dygdadla Frun,

FRU ANNA
HAGSTRÖM,

Mine Huldaste Föräldrar.

Jag kan icke uttrycka den glädje, med hvilken jag emottager et så önskadt tillfälle, men jag finner likväl alt för inskränkt ämne, at afborda mig en af mina Käraste skyldigheter. Thet är at för alminhetens ögon å daga lägga den upphörliga vördnad och Tacksamhet, jag är mina Föräldrar skyldig för sū otaliga välgärningar, sū ogemera prof af de ömnaste huldheter, som jag från vaggan haft lyckan och förmän af mina Föräldrar uppbåra. Ach! om pannan voro skickelig at göra hjertat den tjenst, som det vid detta tillfället önskar sig. Ach! om de vördnads och ärkänsamhets rörelser, jag i mit innersta känner för mina Föräldrar, kunde allenast med allerminsta delen af deras liffsig-
het afskilldras. Med hyd nöje uppsatte jag icke då desse rader, och med hvad hopp, at de visserligen skulle röra och behaga mina För-
äldrar? Mina Föräldrar häppas jag ej anser gäfvan för den, som alt kunde vedergälla, utan hjertat med hvilket jag gifver den såsom här-
flytande af ett rätt sonligt, vördnadsfullt och ärkänsamt sinne; hvars önskan är att länge se Sina Föräldrars höga ålder af den Högssta välfignas med hälsa, ro och välgång, då får jag och länge med sonlig
vördnad lefva

Mina Huldaste Föräldrars.

lydige son.
KNUT AUG. LENÆUS.



A ω Ω.

Dum anxius hærerem, quodnam argumentum, in tanta Morborum & Medicamentorum varietate, speciminis Academici loco publici juris facerem; dubitanti mihi illico occurrebant Cantharides. Haud equidem diffiteor, hocce argumentum, velut alia, quæ ad scientiam Medicam spectant, adeo abundantier, magnorum virorum opera, multis voluminibus, jam diu illustratum esse, ut ne tempus quidem ac vires ad ea perlegenda atque recensenda sufficerent; quæ quamvis uberioris tractationis ansam nobis præberent, curta tamen domi suppellex longiorem rei propositæ explicationem prohibet. Itaque, quam fieri potest, brevissime opinionem meam hac de re sistere animus est, ea minime spe, fore, ut rei aliquid novi addam, vel dignitatem illius proprio marte augeam, sed ut sententiæ oppugnato-

A

gnato-

gnatoribus argumentum, ad Materiam Medicam pertinens, adferam.

Præfens qualiscunque opella in tria Capita commode dividi potest, dum Cantharides, 1:mo ut simplices, 2:o ut præparatas, 3:o quem effectum & usum prætent, paucis considerabimus.

Cap. I. DIAGNOSIS.

Cantharides, in foro medico, quarum usus vulgaris atque communis est, ejusdem semper, per Europam, speciei ac nominis sunt. *Cantharides* sunt *insecta coleoptrata*, Antennis filiformibus, simulque moniliformibus; Thorace subrotundo; Capite gibbo, inflexo; Elytris flexilibus; Corpore viridi-sericeo. Insectis, hocce seculo, in ordinem systematicum redactis, atque Coleoptratis ab aliis distinctis, imprimis in his observabatur, *Elytra esse flexilia* instar pellis, cum tamen Elytra aliorum plerumque essent rigida & flexione fragilia; quam ob causam quoque Historiæ Naturalis cultores existimabant, omnia insecta coleoptrata, Elytra flexilia habentia, ejusdem esse generis & his igitur cunctis nomen Cantharidum tribuebant; sed postea, dum in eo res vertebatur, ut insecta accuratori subjicerentur examini, eorumque Antennæ votum decisivum generum coleoptratorum habere perciperentur, hocce genus in duas partes est divisum, nempe 1:mo in ea, quæ habebant *antennas setaceas*, cum thorace planiusculo. 2:do in ea, quæ *antennis pollebant moniliformibus*, cum thorace teretijsculo seu rotundato. Eo modo, duobus generibus distinctis, ad ipsius naturæ dudum & eorum structuram, necesum quoque ducebatur, cuilibet generi nomina addere diversa.

Priori generi nomen Cantharidis retinere concesso sum est, quoniam plures comprehendebat species, & minori im mutatione indigebat; posterius vero coniunctum cum genere alio, antea stabilito, *Meloë* est dictum, quod nomen a Paracelso sumtum hic quoque recipere necessum habebant. Hanc ob causam Cantharides nostræ ad id genus non pertinent, quod a Zoologis nominatur *Cantharis*, sed *Meloë*.

Genus Meloës sequentibus Characteribus definitur.

Antennæ moniliformes, articulo ultimo ovato.

Thorax subrotundus.

Elytra mollia s. flexilia.

Caput inflexum, gibbum.

SPECIES, in omni materia medica, distincte propo ni debent, quare necessum duco, divisionem etiam *Meloës* observari, qui quoque commode in duas phalanges primarias distingui potest, nempe, in earum *Meloës* species, quæ habent 1:0 *Elytra abbreviata* absque subjacentibus aliis; 2:0 in eas, quibus sunt *Elytra longitudine abdominis* cum subjacentibus aliis: ad has pertinent *Cantharides nostræ officinarum*; ad illas vero *Scarabæus Majalis* seu *Scarabæus Unctuosus*, vel *Pro-Scarabæus*, in *Pharmacopoliis* olim dictus, cuius usus hodie apud Medicos fere in desuetudinem venit, forsitan eam ob causam, quod Medicis vera ejus vis & efficacia ignota fuerit; quam haud facile perspicere potuerunt, quamdiu eum, vinculis propinquitatis, *Cantharidibus nostris* coniunctum esse, nesciebant.

Species, quæ vesicatorium habent effectum, ad quem a Medicis usurpantur, sunt variae, licet Medici hucusque una solummodo specie per totam Europam sint usi, quam huic loco subjiciendam esse necessum duco, ut Medicus *Pharmacopoliis* carens, aliis, si forte faciliter obtineri queunt, inservire possit.

1:mo. MELÖE vesicatorius alatus *viridissimus*
nitens, *antennis nigris*. *Syst. nat.* I. p. 419. *Faun. svec.* 2.
n. 827. Siltz. inf. t. 7. f. 55. bona.

Cantharis officinarum It. Scan. 186. *Rajz. inf. 101.*
Mouff. inf. 144. Aldr. inf. 276. Jonsl. inf. t. 7.

Cantharis cæruleo-viridis, *thorace teretiusculo.*
Mat. Med. 2. p. 328.

Habitat in Europa.

Hæ Cantharides Officinales nostrates sunt, quas
Pharmacopæi plerumque a Belgis emunt, & hi ab aliis
regionibus adsportant! *Langius Oper. med.* I, p. 430. dicit,
eas per Germaniam colligi & deinde transportari in Hollandiam & Hispaniam.

Olim ex Hispania eas solummodo sumsimus, unde quoque, quæ, nostris temporibus, in Officinis reservantur, dicuntur *Muscæ Hispaniæ*, *Spanka flugor*; sed abunde satis occurruunt per totam Europam, in locis, quæ, respectu ad Sveciam habito, meridiem spectant, ex gr. in *Hispania*, *Gallia*, *Germania*, &c. Quid, quod, D. Praeses in *Scania* quoque eas copiose juxta Malmogiam, Trelleburgum & Ystadium atque finitima loca reperiit, ubi sustentantur foliis *Ligustri vulgaris*, *Syringæ vulgaris*, *Loniceræ Xylosteonis*, *Loniceræ Caprifolii*, *Sambuci nigrae*, *Fraxini excelsioris*, (non vero in Orno reservata Cicadis), *Populi nigrae* & *albae*, *Bignoniæ Catalpæ*; tamen imprimis ac plerumque Ligustri folia in margine rodunt, ita ut arte vel natura quasi ferrata videantur, ut quoque, solum e foliis ejusdem fruticis statim dijudicare possimus, an in loco obvio reperiantur: raro autem tempore meridiano in ramis fruticum commorantur, sed tum ad inferiores terræ latebras se conferunt. Qvum igitur Patria nostra sufficientem earum copiam ferat, non necessum erit, ex aliis regionibus eas accersere, cum sufficiens quantitas intra Patriam occurrat, & si non sufficeret

ret, in aliis locis plantari & multiplicari possent. **Peracta** Metamorphosi brevi tempore & vix ultra mensem Junii vigent, sed sensim pereunt & evanescunt, unde & Autores, qui viderunt eas celeriter præsentes, magna cum multitudine, in arbustis se sistere, crediderunt, hæc in secta esse migratoria, originem e terris australibus deducentia, & summa deinde celeritate ad septentrionem advolantia. Insectum esse inquiunt nonnulli, quod æstivo tempore turmatim accedit, & vix moratrum vel quatuor dierum apud nos facta, iterum abit, nec apud nos nidulatur vel ova ponit. Et alibi: Tametsi vero nostris in oris subinde largam earum copiam videoas, adventus tamen & discessus brevi dirimuntur spatio, nimirum alimento deficiente avolant alio, ita ut vix per quatriduum uno in loco subsistunt, sed uti turmatim accedant, ita, agmine fasto, rursum abeunt, & sine dubio loca calidiora, utpote Siciliam, Italiam ac Hispaniam petunt. Hinc fit, ut bis nostris in regionibus, etiam si coire viæantur, ova tamen non ponunt, nec pullos excludunt, qui videantur, sed omnes ejusdem magnitudinis, qua adultiores gaudent, conspicuntur. Hoc autem ab indole hujus insecti longe alienum est, quod, omnium tardissime jastanto alas, sese in altum tollat; quare &, dum arbor feritur, in qua sedem suam habet, illico terram petit & vix ac ne vix quidem, eloco se movet, dum facile, nullam opem fugam quærens, carpi possit. Occasionem vero huic opiniohi vel ipsæ dederunt Cantharides, quæ, brevissimo tempore, post peractam Metamorphosin, vigent & brevi quasi evanescunt, unde rerum ignari illas migratorias judicarunt.

DESCRIPTIO harum Officinalium Cantharidum
hæc est: *Corpus Oblongum, subcylindricum, viridi-sericeum. Antennæ corpore paulo breviores, filiformes, nigrae, articulis undecim subclayatis. Caput inflexum, subpubescens, punctis excavatis adspersum. Os labio e-*

marginato. Mandibulæ duæ, nigræ, vix labio longiores. **Palpi** quatuor, quorum duo majores viridiferei; duo breviores nigri. **Thorax** pubescens, linea longitudinali concava, lateribus superficie inæquali. **Elytra** longitudine abdominis, costis duabus longitudinalibus obsoletis, superficie punctis vix conspicuis concavis undique tecta, margine exteriori patulo. **Alæ** nigricantes. **Pectus** pubescens. **Abdomen** minus pubescens. **Pedum** ungues nigricantes. **Larvas** vel Pupas non vidimus.

2:do. MELÖE Schaefferi, facie & colore ad precedentem accedit, ita tamen, ut distingvatur magnitudo triplo minore, sed imprimis antennis adeo singularibus, ut a reliquis omnibus differat & paucis vix describi possit.

3:ti. MELÖE bimaculatus alatus niger, coleopteris luteis: maculis duabus nigris posticis. *Faun. Svec. n. 828.*

Hæ Species, Upſaliae & in Fennonia, mature, mense regelationis & germinationis, reperiuntur, & nullum est dubium, quin eadem vi polleant cum antecedente. Nescio, qua se herba alant, nam hic in fossis arena-riis interdum occurruunt, quo remigio alarum se contulerunt, sed propter innatam suam inertiam inde fugere non valuerunt.

4:to. MELÖE Cichorii alatus niger, thorace hirsuto, elytris fasciis tribus flavis. *Syst. nat. I. p. 419. Amæn. acad. 5. t. 3. f. 188.*

Chrysomela Cichorii. *Hasselq. It. 410. n. 101.*

Cantharis fasciata. *Imperat. nat. 901. f. 1.*

Hoc insectum non solum in toto Oriente, sed etiam in China & finitimis regnis reperitur.

Dioscorides Lib. 2. cap. 54. de suis Cantbaridibus dicit, potentissimas esse variegatas luteis lineis, quas in pennis, (Elytris) transversas habent, promissoque corpore crasso & præpingvi.

Pli-

Plinius Lib. XXXIX. cap. 4. iisdem verbis fere utitur: potentissimæ inter omnes variæ luteis lineis, quasi penas transversas habent, multum pingues.

Imperatus, qui primus descriptionem hujus speciei reliquit, hunc Meloën Cichorii veram *Cantharidem Dioscoridis* & veterum statuit; quod facile largimur, quum hoc variis argumentis, facile demonstratur. 1:mo. Ex descriptione Hasselquistii sciamus Meloën Cichorii in toto oriente vulgarem esse. 2:do Ex ipsis proprietatibus, viribus & effectibus generi propriis, ad quod spectat. 3:to Ex loco, quod in agris eum degere afferit; vietit enim Cichorio, quod vulgariter in marginibus arborum crescit. 4:to Ex fasciis seu latis transversisque lineis Elytrorum huic propriis. 5:to Ex eo, quod etiamnum hic hodie apud Chinenses officinalis sit. Ante aliquot annos a N. J. Fothergill. M. D. integrum Pharmacopolium Chinensium reportavit D. D. Præses, in quo etiam unam scatulam hoc repletam inveniebat: adeo ut Chinensibus præsenti ævo, hanc Dioscoridis Cantharidem usui esse, haud falso arguimus. Alias species, ut minus cognitas, parvas & usui Medico insufficientes prætero.

Cap. II. PRÆPARATIO.

Ex datis sequitur, duas imprimis species Cantharidum, *Meloën vesicatorium* scilicet & *Meloën Cichorii* pro usu medico receptas esse, quarum prior in Europa frequentissimus officinis Europæorum sufficiat; posterior vero seu Meloë Cichorii, *Cantharis* veterum & Dioscoridis relinquatur gentibus orientalibus, apud quas vulgarissima.

Cantharides ab antiquissimis retro ævis Medicis pro usu vesicatorio innotuisse, dubium esse nequit, cum ipse Hippocrates eas usurpaverit; adeoque quod usus earum originem suam apud Arabes habuerit, uti Baglivius contendit, prorsus alienum nobis videtur. Mo-

Modus Cantharides colligendi perfacilis est, si enim linteum super terram explicetur sub arbore, ubi repantur & baculo leviter ramos percutamus, omnes decidunt supra linteum & facile colliguntur. Sic lectæ citissime exsiccentur in fumo vel in olla supra ignem, ut mox pereant, vel etiam prout Dioscorides tradit, quod facile, vase non picato condantur & raro mundoque linteo, obligato ore & deorsum converso, suspendantur super aceti fermentis, quam acerrimi, halitum, donec cæstu exanimentur, postea linteo transfixæ reponantur. Perinde vero est, quomodo interficiantur & siccentur fumo, seu quavis alia faciliori methodo.

Veterum plurimi jubent rejicere Caput, Elytra & Pedes, solumque Corpus retinere pro usu Medico; sed hoc supervacaneum esse ducimus, cum omnes earum partes eadem gaudent vi, adeoque & integræ, prout apud nostrates in Pharmacopœis occurruunt, servari possunt.

PRÆPARATA Cantharidum in Officinis nostris communiter tria occurruunt.

1:mo *Pulvis*, circa quem observandum, quod, qui eas in pulverem redigit, sedulo caveat, ne pulvis in fauces evolet & excitet faicum inflammationes aut Hæmoptysin; quod neque pulverem nudis manibus vel digitis nimis verset, quia pulvis facile inhæret Epidermidì & vesicas exitat.

2:do *Essentia* Cantharidum sequenti modo præparatur.

Rharmacop. Londonensis formula:

Rec. *Cantarid. pulverisat.* Drach. duas.

Coccionell. Unciam semis.

Spirit. Vinoſ. tenuior. Libram semis.

Digere & colare per chartam.

BARTHO-

BARTHOLINI Th. formula.

Rec. *Pulveris Cantharid. Scrup. unum.*

Vini Rhenan. Uncias quatuor.

M. stent per aliquot dies, filtrantur per bibulum Dr.
dosis cochlear 1. in vini Cochlear. 7. pro vehiculo.

3:to Emplastrum vesicatorium secundum Pharmacopoeam Wurtenbergensem ita præparatur:

Rec. *Pulveris Cantharid. Uncias quatuor.*

Ceræ flavæ Uncias decem.

Terebinth. venet.

Olei. rosar. a a Uncias binascum semis :

Campioræ drachmas tres.

M. f. Empl. extendendum supra alutam, ad justam
determinandamque latitudinem.

Quod si vero in votis f., ut hocce emplastrum fortius operetur, aliquid pulveris cantharidum superficie Emplasti extensi inspergimus, nec non partem corporis ante applicationem aceto inungimus, ut promptius vim suam vesicatoriam exserat; quamvis plurimi statuant vim Cantharidum ab acidis potius infringi, quam augeri. Ceterum, qui ruri degunt, possunt pulverem Cantharidum miscere cum miya aut fermento panis acidi & nudo corpori applicare.

LOCA corporis, quibus applicari debeant, sunt partes teneriores: 1:mo *Nucha seu Cervix.* 2:do *Pone Aures.* 3:to *Brachii musculosa supra carpum.* 4:to *Crura* quatuor digitos supra malleolum. 5:to *Caput,* abrasio capillis. MODUS applicandi sic est: 1. Abluitur locus aceto, postquam crines, si adsunt, scalpello ablati sunt. 2. Applicatur Emplastrum Vesicatorium vel pulvis Cantharidum cum fermento panis in formam Emplasti redacto. 3. Munitur Emplastro glutinante, splenis & fascia. 4. quando, post decem circiter horas, vesica sero turgida conspicitur, Chirurgus forcipe illam sauciet

ut serosus haimor exeat. 5. Quando folia Brassicæ ad manus sunt, ulcerata pars aperta per ea vel alia fervatur. 6. Chirurgi autem plerumque imponunt Empl. de sperm. Ceti, Empl sperm. Ranar. de Minio, Cerussæ vel aliud quocunque. 7. si scopus Medicis fit, ut ulcerata pars diutius aperta servetur, aliquantum pulveris Cantharidum ulceri inspergunt, unde fluxus feri diutius continuatur. 8. Si vero ulcus inde malignam induat naturam, Melle Rosaceo illinendum.

Cap. III. VIRES.

Plura sunt insecta, quæ, more Cantharidum aceribus spiculis seu particulis scatent, ex. gr. Onisci, Coccionellæ, Grylli, Larvæ Phalænarum, &c. Dum Listerus aliquando pyxides aliquot repurgaret, in quibus Larvæ Phalænarum in perfectam abierant Metamorphosis, & pulverem ex his relictum flatu dispergeret, evolabat pulvis in ejus faciem, quæ inde tota in pustulas elevabatur; certo indicio, pilos lanamque quarundam Phalænarum non minus vesicatoria scatere qualitate, quam ipsæ Canthrides. Immo Meriana aliisque Surinamum petentes, narrant, speciem Larvarum Lepidopterarum hirtarum ibi reperiiri, quas tangere nudis manibus, sine periculo inflammationis, nemo audet.

Qua ratione hæ acres Cantharidum particulæ vim suam exferant, unde tantam obtinuerunt famam, æque nobis est ignotum, ac, cur succus Euphorbiæ, eodem modo ac eæ, pustulas operetar. Interea, per quotidiam infallibilemque experientiam certissimi sumus, Cantharidum vim esse vesicatoriam, easque, haud aliter ac subtilissimas, novaculae, corporis solidas partes dissecare, fibras rodere, & vasa Lymphatica perterebrare, adeoque ubicunque aditus datur inflamationes excitare; qvare etjam unum hoc Medicamentum inter heroica & violenta reponendum, nec sine summa cautione interne propinandum est.

USUS

USUS Cantharidum duplex est, internus & externus.

INTERNUS usus, qui apud veteres magis receptus fuit, a recentioribus Medicis plerumque rejicitur, quoniam fidem nunquam habere potuerunt medicamento ejusdem indolis, ut omnes partes, quas attingit, dissecet, praeterquam quod a paucis in *Hydrope* desperata ad hibentur Cantharides, dum, haud aliter ac interna Paracentesis, vasa Lymphatica dissolvunt & apertam viam sero per alvum vesicantive reddunt; quare etjam ab Hoffmanno tom 3. p. 541. inter specifica in *Hydrope* numerantur, praesertim ob vim earum summam in pellenda urina seu aqua Hydropicorum. Ex observationibus autem *Listeri* evidenter constat, ejusmodi corrosiva potius palliativa dicenda, quam vera & genuina medicamenta; quamobrem etjam ægri quibus Essentiam Cantharidum propinavit, initio quidem ab his malis æque ac paracentesi externa non nihil levati fuere; brevi tamen omnes inevitabili fato occubuerunt. Dum interne prescribuntur, omnibus observationibus constat, eas imprimis aggredi vias urinarias, quare etjam inter primaria habitæ sunt *diuretica*, eamque ob cauслam, a veteribus in *Iscburia* seu omnimoda urinæ suppressione, tanquam duro cuneo in duro ligno adhibitæ fuerunt; cum aliis diureticis, in Gonorrhœis, ad expurgandum virus siphiliticum, saepe insignem effectum praestantes.

Medicamenta, quæ excitant & urgent sanguinem ad renes, plerumque etjam genitalia, per vasa Emulgentia petunt, quæ originem suam prope renes habent; quare etjam Cantharides pro valido *Aphrodisiaco* a veteribus habitæ sunt, sed ob noxam quam adferunt, unanimiter hodie apud sapientiores Medicos in hunc plane usum exulant. Medicinæ studiosus Upsaliensis Holmiam accens a viro quodam, Holmiæ habitante, rogatus fuit, ut Electuarium gustaret sibi prescriptum tanquam egregium

Aphrodisiacum, cuius dosis magnitudinem æquaret glandis; hic nescius isti Electuario inesse Cantharides, duplam assunxit dosin. Ex templo profectus Upsaliam, in itinere, sine omni tentagine libidinosa, horrenda stranguria una cum Hæmaturia correptus est, tantaque vis morbi erat, ut nisi in proximo diversorio obtinuisse & ingurgitasset maximam copiam lactis calentis, & dein Upsaliæ redditus infusum Radicis Althææ haussisset, facile de eo actum fuisset.

Debitam circumspetionem, circa internum ejus usum, vix, ac ne vix quidem adhibere possumus vel accuratissime dosin observantes, ideoque nulli Cantharidum internum usum valde svademos; sed potius nisi summa urgeat necessitas plane exulare jubemus.

EXTERNUS usus Cantharidum vero maxime proficiens est. Pulvis inspersus mali moris ulcera mundificat, & pus promovet. Ulcera *Cacoëthica* ægerrime, ut notissimum est, curantur, nisi prius vesicatorium, ex Cantharidibus confeatum, applicetur, quod consumat putrida, ut ulcus purum obtineatur, unde facilis dein sanatur.

Revulsionis loco inservit, ut rubefaciens & demum exulcerans. Duæ namque regulæ in Medicina obtinent, quæ maximi sunt momenti, nempe 1. *Dolor dolorem trabit;* 2. *Duae evacuationes simul stare nequeunt.* Duplici hinc scopo Cantharides applicantur, quod scilicet irritent, quodque evacuent. Quamobrem hæ usus frequentissimi sunt, nimirum, cum materia *Artbritica* est retrograda ad viscera nobiliora, ut ad Caput, Thoracem & Abdomen, quare etiam tunc pedibus sunt applicandæ, ut materia morbifica trahatur ad partes inferiores. Alteri scopo inserviunt Cantharides evanquando serum corruptum & stagnans, quemadmodum venæ sectione educitur ex inflammatis visceribus sanguinis cor-

ruptus. Quando subito frigori aperti pori corporis calentis exponuntur, attrahitur & irruit atmosphera frigida, unde serum corruptum, quod vitiatum habet vim multiplicativam uti acidum lactis, unde *Catarrbus*, *Rheumatismus*, *Odontalgia*, *Otalgia*, immo *Febres intermitentes* & exacerbantes derivantur. In hisce malis utramque saepe paginam absolvit vesicatorium, quod educit corruptum serum ipsamque morbi caussam tollit.

Applicatur interdum vesicatorium ipsi Thoraci in *Pleuritide*. Certe in Pleuritide spuria eximum est, cui sedes est in musculis intercostalibus, ut hac ratione per latus exulceratum serum corruptum seu crusta inflammatoria evacuetur, & inflammatio versus exteriora trahatur, ne ad interiores nobiliores se diffundat partes; præterquam quod Pleuriticorum sputum mire sollicitat & promovet vesicatorium. *Soporosis* etiam inservit morbis, capiti impositum, abrasis pulis; ut serum extravasatum, vel copiosius si adsit, evacuetur. In *Delirio* frequenter adhibetur ad locum a Capite remotissimum applicandum, ut trahat impetum sanguinis ad partes a cerebro remotissimas. In *Pbrenitide* vero præstat illud capiti raso impone-re, sed circumspeti Medici hic, si unquam alias, caute agunt, cum observarint vesicatoria copiosioria febrem saepe accendere & lingvam sicciorum reddere, atque inde, ægrum pejus adfici.

*Baglivi*us gravissimus Medicinae Auctor in egregia sua Dissertatione *de usu & abusu vesicantium*, pulchre docet p. 592. §. II. in quibus morbis vesicatoria omnino exulare debent.

Qui graviter vulnerati Capite fuerunt, cum vomitu, defectu sensuum aliisque gravibus laesi cerebri symptomatibus, dum illis applicabantur vesicantia, nonnulli paulo post vehementissimis convulsionibus corripiebantur. Alii sudoribus frigidis, quibus superveniebat mors, paucis interiectis horis aut diebus,

labo-

laborabant; alii sequenti nocte moriebantur. Qui huc venerea semel laborarunt, ab adhibitis vesicantibus summopere laeduntur, in quocunque demum morbo adhibeantur; unde nonnisi in maximis sanguinis coagulationibus & morbis soporosis in talibus ægris præscribantur, haud tamen sine debita prudenteria. In febribus ardentibus & continuis, in quibus adest magna sanguinis agitatio & impetus. In tempestate anni calida & secca, atque in ardentioribus pariter temperamentis, regionibus, viciis generibus, ætate juvenili &c. In affectibus nervosis cum febre ad ardente inclinante. In affectibus, comatosis febrium, quæ accedunt ad ardentes. In Morbis pectoris spasmoidicis, inflammatoriis, & a salino acri constitutione sanguinis productis, in omnibus, inquit, hisce casibus in pejus cessisse vesicantia, pluries observavimus.

Commendat quoque vesicatoria Baglivius in affectibus impetuosis & quidem modo derivandi, modo revellendi animo. Hujus generis sunt, *Dolorifici, Chronicæ: in Capitis affectibus præcipue Hemicranicis, Ophtalmicis & Odontalgicis & tandem in Artbriticis insultibus recentibus, præcipue quando congestio est seroso acris; magis autem sanguineis congestionibus Phlebotomiæ seu evacuationes sinceri sanguinis utiliores sunt.*

Prosum etiam adversus *Lippitudinem*, præcipue illam, quam humidam vocant; adversus *Lethargum* & si inexpugnabilis dormiendi necessitas hominem urget.

Vesicatoria non operantur in partibus mortuis, sed eo ferocius aggrediuntur vivas; unde separatio vivæ a mortuâ parte per illa facile obtinetur.

Inter stimulos, certe principem obtainere locum vesicantia, ac omnibus affectibus ante memoratis convenire, Mechanici uno omnes ore fatentur. Quamobrem plurimi morbi, vix ac ne vix quideri curantur, nisi adhibeantur vesicantia: in aliis contra in pejus abeunt, si imprudenter usurpantur.

Ver-

Verbo. Conducunt vesicantia,

1. *Pulsi*, ubi debilis observatur.
 2. *Expectorationem* Pleuriticorum promovent.
 3. *Exanthematum* eruptionem augent.
 4. *Arteriticis*, ubi materia est retrograda, conveniunt.
 5. In *Rheumatismo*, *Catarrho*, *Gravedine*, *Coryza*, *Odontalgia*, *Otaalgia*, febribus intermittentibus & exacerban-
tibus profundunt.
 6. In *Amblyopia*, *Suffusione*, *Lippitudine*, *Ophthalmia*.
 7. In *Tussi* cum sputo crasso copioso.
 8. In *Apoplexia* & morbis Soporofisis.
 9. In *Asthmate* ex repulsa scabie.
 10. In *Convulsionibus* sine febre & in *Epilepsia* juvant.
Nocent vero in primis sequentibus.
1. *Plethoricis*, *juvenibus* calidis, constitutione aëris cali-
da, Macilentis.
 2. *Siphiliticis* & iis, qui antea Siphilitide laborarunt.
 3. *Febribus* *ardentibus* seu *Phlogisticis* & *Phrenitidi*.
 4. *Gravidis*, *Calculosis*, *Menstruantibus*.
 5. *Evacuatoriis* morbis.
 6. *Convulsionibus*.

S. D. G.



Min VÅN,

*Att spanska flugan känna rått,
Och hennes kraft med fördel bruca,
Till önskad lindring för de siuka,
Ej sker, som mången tror, så lätt.*

*Erfarenhet din lärdom ökt,
Uti din konst du intet felar,
Din hand så väl, som flugan helar,
Jag bär det känd och sief fösökt.*

*En saker lön dig förestår,
På flit förtjenst och beder följa,
Sig mäste afund modfåld dölja,
Når dygden främst bland dessa går.*

*Far stilla fort till åråns högd,
Din vetenskap i gerning lyse,
Din omsorg andras vålgång byse,
Den lyckan gör dig vårdigt nögd.*

P. E.